



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

KREITI YA 12

SEPEDI LELEMETLALELETŠO LA PELE (FAL)

LEPHEPHE LA BORARO (P3)

DIBATSELA 2024

TLHAHLO YA GO SWAYA

MEPUTSO: 100

Palomoka ya matlakala a tlhahlo ya go swaya ke 12.

**KAROLO YA A: DITAODIŠO****POTŠIŠO YA 1****Ditaodišo tšeo di botšišitšwego.**

- 1.1 Letšatši la diphadišano tša bommasebotsana sekolong sa gešo. **(Ke taodišokanego/taodišotlhaloši).**

**Tlhalošo ya taodišokanego.**

Taodišokanego e laodiša tiragalo ye e fetilego. E ka ngwalwa go tšwa lehlakoreng le lengwe le le lengwe.

**Tlhalošo ya taodišotlhaloši.**

Ka taodišotlhaloši, mongwadi o hlaloša selo se sengwe gore mmadi a kgone go itemogela sona. Motho goba selo se sengwe a/se ka hlalošwa.

**Molekwa a ka tšweletša dikgopolo tše di latelago:**

- Palo ya bakgathatema (Basetšana/banenyana le bašemane ba hlakane).
- Meaparo ya bona.
- Ditiragalo tša letšatši.
- Bathopasefoka.
- Meketeko/Lethabo mafelelong.

**[50]**

- 1.2 Tšhomišano ya mekgatlo ya dipolitiki e tliša kgatelopele mmušong wa Afrika Borwa. **(Ke taodišokahlaahlo/taodišongangišano)**

**Tlhalošo ya taodišokahlaahlo.**

Taodišo ye ga e na maikutlo a mongwadi. Yona e leka go tšweletša mahlakore a mabedi a poledišano ka go lekana. Mongwadi o hlokomela dintlha tša go fapana tša hlogo ye gomme a hlagiša dikgopolo tša go fapana ntle le go tšea lehlakore. Mongwadi a ka ba le thumo ye e itšego mafelelong a taodišo, eupša dintlha tša go thekga goba go ganetša di swanetše go lekalekana le go kwagala.

**Tlhalošo ya taodišongangišano.**

Ka taodišongangišano mongwadi o na le kgopolo ye e itšego goba ntlhakemo gomme o fa dintlha tša go fahlela goba go thekga maemo a gagwe. Kgopolo ya mongwadi e swanetše go kwešišega taodišong ka moka. Ka taodišo ye mongwadi o leka go kgodiša goba go fekeetša mmadi gore a kwane le kgopolo ya gagwe

**Molekwa a ka tšweletša dikgopolo tše di latelago:****Tumelo**

- Go hlakanya dikgopolo tša go fapana mabapi le ditirelo.
- Mekgatlo ka moka e na le kemedi.
- Go tliša diphetogo ka go thušana.
- Go seketša mašeleng ditirelong.

**Kganetšo**

- Go ka ba le ngangišano ya dikgopolo ge ba swanetše go tliša ditirelo.
- Go baka borena.
- Go ka ba le tshenyo ya mašeleng ge ba ngangišana go aba ditirelo.

**[50]**

1.3 Ge nkabe nko e dupelela, nka be ke se ka ya. **(Ke taodišokgadimo).**

**Tlhalošo ya taodišokgadimo.**

Ka taodišokgadimo mongwadi o eleletša tiragalo yeo a ilego a e bona/ ya mo diragalela a e kwa/ a e bona/ a e badilego nakong ye e fetilego gomme a laodiša go ya ka fao a gopolago ka gona.

**Molekwa a ka tšweletša dikgopolo tše di latelago:**

- Ditiragalo tše a kopanego le tšona.
- Ditiragalo tše di mo amile bjang.
- A laetše boitsholo.
- Maele ao a ka fiwago batho.

[50]

1.4 Ditumelo go ya ka go fapana ga batho ditšhabeng ke bothata. **(Ke taodišokahlaahlo/taodišongangišano).**

**Tlhalošo ya taodišokahlaahlo.**

Taodišo ye ga e na maikutlo a mongwadi. Yona e leka go tšweletša mahlakore a mabedi a poledišano ka go lekana. Mongwadi o hlokomela dintlha tša go fapana tša hlogo ye gomme a hlagiša dikgopolo tša go fapana ntle le go tšea lehlakore. Mongwadi a ka ba le thumo ye e itšego mafelelong a taodišo, eupša dintlha tša go thekga goba go ganetša di swanetše go lekalekana le go kwagala.

**Tlhalošo ya taodišongangišano.**

Ka taodišongangišano mongwadi o na le kgopolo ye e itšego goba ntlhakemo gomme a fe dintlha tša go fahlela goba go thekga maemo a gagwe. Kgopolo ya mongwadi e swanetše go kwešišega taodišong ka moka. Ka taodišo ye mongwadi o leka go kgodiša goba go fekeetša mmadi gore a kwane le kgopolo ya gagwe.

**Molekwa a ka tšweletša dikgopolo tše di latelago:**

- E hlola kgethollo ditšhabeng.
- E hlola moya wa ntwā.
- Go ka dirwa eng.
- E fa batho tokologo tumelong le setšong sa motho.
- E godiša boitshepo le boikamogelo go seo o lego sona.
- E ruta batho go amogelana.

[50]

**1.5 Bohlale ke leabela. (Ke taodišongangišano).****Tlhalošo ya taodišongangišano.**

Ka taodišongangišano mongwadi o na le kgopolo ye e itšego goba ntlhakemo gomme o fa dintlha tša go fahlela goba go thekga maemo a gagwe. Kgopolo ya mongwadi e swanetše go kwešišega taodišong ka moka. Ka taodišo ye mongwadi o leka go kgodiša goba go fekeetša mmadi gore a kwane le kgopolo ya gagwe.

**Molekwa a ka tšweletša dikgopolo tše di latelago:****Tumelo**

- Ditiragalo tše a kopanego le tšona tša go laetša gore bohlale bo tšwa ka lapeng go tloga kua morago.
- Seo se ka dirwago go tloša mogopolo wa gore bohlale ke leabela go barutwana ka sekolong.
- Mehlala ya dirutegi tšeo di tšwago malapeng a batswadi ba bohlale.

**Kganetšo**

- A tšweletše mehlala ya baetapele bao ba tšwago malapeng ao go sego yo bohlale.
- Tlhohleletšo go laetša kgonagalo.

**[50]****1.6 Go ja pele, go phalwa ke go ja morago. (Ke taodišongangišano).****Tlhalošo ya taodišongangišano**

Ka taodišongangišano mongwadi o na le kgopolo ye e itšego goba ntlhakemo gomme o fa dintlha tša go fahlela goba go thekga maemo a gagwe. Kgopolo ya mongwadi e swanetše go kwešišega taodišong ka moka. Ka taodišo ye mongwadi o leka go kgodiša goba go fekeetša mmadi gore a kwane le kgopolo ya gagwe.

**Tumelo**

- Go atlega o sa le yo mofsa.
- O kgona go dira tše mmalwa o sa na le maatla.
- Ge o gahlane le ditlhohlo o na le nako ya go di rarolla e sa le nako.

**Kganetšo**

- O ja maatla a fedile.
- Monagano o lapile.
- Maikarabelo a gago a oketšegile.

**[50]**

1.7 Seswantšho **(Ke taodišokanego).**

**Tihalošo ya taodišokanego.**

Taodišokanego e laodiša tiragalo ye e fetilego. E ka ngwalwa go tšwa lehlakoreng le lengwe le le lengwe.

**Molekwa a ka tšweletša dikgopolo tše di latelago:**

- Seo se diragalago.
- Mohola wa tiragalo.
- Maele a go kgona go iphediša ka mekgwa ya go fapana.

**[50]**

1.8 Seswantšho **(Ke taodišotlhaloši/taodišokanego).**

**Tihalošo ya taodišotlhaloši**

Ka taodišotlhaloši, mongwadi o hlaloša selo se sengwe gore mmadi a kgone go itemogela sona. Motho goba selo se sengwe a/se ka hlalošwa.

**Tihalošo ya taodišokanego.**

Taodišokanego e laodiša tiragalo ye e fetilego. E ka ngwalwa go tšwa lehlakoreng le lengwe le le lengwe.

**Molekwa a ka tšweletša dikgopolo tše di latelago:**

- Talente ya boopedi.
- Go tuma/tsebega ga seopedi.
- Go godiša ekonomi.
- Tlhohleletšo setšhabeng.

**[50]**

**PALOMOKA YA KAROLO YA A: 50**

**KAROLO YA B: DITŠWELETŠWA TŠA TIRIŠANO TŠE DITELELE****2.1 LENGWALO LA SEMMUŠO (LA BOIPELAETŠO)**

**Dintlha tšeo di swanetšego go hlokomelwa ge go ngwalwa lengwalo la semmušo:**

- Sebopego le botelele e be tša maleba.
- Atrese ya mongwadi
- Atrese ya moamogedi e lego hlogo ya sekolo
- Madume le hlogo
- Diteng e be tša boipelaetšo.
- Retšistara le polelo e be tša semmušo.
- Tšhomišopolelo, tlotlontšu le maswaodikga e be tšeo di nepagetšego.
- Mafelelo, leina, sefane le mosaeno

**[30]****2.2 LENANEOTHERO LE METSOTSO YA KOPANO**

**Dintlha tšeo di swanetšego go hlokomelwa ge go ngwalwa lenaneothero le metsotso ya kopano:**

**Lenaneothero**

1. Pulo le kamogelo
2. Batlakopanong le ditshwarelo
3. Palo le kamogelo ya metsotso ya kopano ya go feta
4. Tabakgolo ya letšatši:
5. Ditsebišo
6. Tswalelo

**Metsotso ya kopano**

- 1 Pulo le kamogelo  
Modulasetulo o butše kopano ka thapelo. O lebogile maloko ka moka ao a tlilego, a ba fa tlhohleletšo ya go tšea karolo.
- 2 Batlakopanong le ditshwarelo  
Maloko ka moka a tlile kopanong.
- 3 Palo le kamogelo ya metsotso ya kopano ya go feta  
Mongwaledi o badile metsotso ya kopano ya go feta. Maloko ao a bego a le gona a amogetše metsotso bjalo ka tšeo di boletšwego kopanong ya go feta.
- 4 Tabakgolo ya letšatši:  
Ditekanyetšo tša ditšhelete  
Lekgotla la Ikageng le kgobokeditše R100 000  
R20 000 e beetšwe meetse, R30 000 e beetšwe go rwala ditšhila,  
R30 000 e beetšwe mohlagase gomme R20 000 e beetšwe kelelatšhila.
- 5 Ditsebišo  
Kopano ye e latelago e tlo swarwa ka la 6 Pherekong 2025.
- 6 Tswalelo  
Modulasetulo o tswaletše kopano ka thapelo.

**[30]**

## 2.3 POLEDIŠANO

**Dintlha tšeo di swanetšego go hlokomelwa ge go ngwalwa poledišano.**

- Poledišano e tšee sebopego sa maleba.
- Taetšo ya leswao la kgorwana ka morago ga maina a diboledi.
- Go be le maina a diboledi.
- Go šomišwe ditšhupasefala.
- Maina a be ka lehlakoreng la ngele, ditaba di be ka lehlakoreng la go ja.
- Go be le matseno le mafetšo a go goga šedi.
- Bakgathatema ba swarelele go sererwa.
- Šomiša mothaladi wo moswa go laetša seboledi se sengwe le se sengwe.
- Ba šomiše tlotlontšu le retšistara tša maleba.
- Mmadi a kgone go hwetša sererwa.
- Go šomišwe mabokgoni a poledišano.

**[30]**

## 2.4 EMEILI

**Dintlha tšeo di swanetšego go hlokomelwa ge go ngwalwa *emeili*.**

- E laetše gore e ya go mang.
- E laetše le batho ba bangwe bao e ba amago.
- E be le hlogotaba.
- Madume
- Molaetša e be wo mokopana wa thwii.
- Lebiša ditebogo go moamogedi.
- Leina la mongwadi

**[30]**

**PALOMOKA YA KAROLO YA B: 30**

## KAROLO YA C: DITŠWELETŠWA TŠA TIRIŠANO TŠE DIKOPANA

### 3.1 MAPHEPHETSEBIŠI

**Dintlha tšeo di swanetšego go hlokomelwa ge go ngwalwa lephephetsebiši.**

**Diponagalo tša lephephetsebiši.**

- Thoma ka go ngwala hlogo mabapi le kwalakwatšo ya magato a go dira dikgopelo Yunibesithing ya Pretoria.
- Efa tshedimošo ka botlalo.
- Laetša letšatši, lefelo le nako ge di nyakega.
- Retšistara ya gago e be ya maleba.

**Sebopego sa lephephetsebiši**

- Hlogo ya maatlakgogedi.
- Dikgopolokgolo tšeo di hlathollago dikgopolotlaleletšo.
- Fonte ye kgolo.
- Le kgabišwe.
- Le be ka gare ga lepokisana.

[20]

### 3.2 MOLAETŠA WO MOKOPANA (*WHATSAPP*)

**Dintlha tšeo di swanetšego go hlokomelwa ge go ngwalwa *WHATSAPP*:**

- Molaetša o be wo mokopana wa go amana le go etela phakeng ya kgauswi.
- Morero o laolwe ke diteng.
- Tšhomišo ya dikhutsofatšo tša maleba
- Retšistara le polelo e be tša maleba.

[20]

### 3.3 DITAELO

**Dintlha tšeo di swanetšego go hlokomelwa ge go ngwalwa ditaelo:**

**Ditlabakelo tša go hlatswa**

- Kgoboketša ditlabakelo tša maleba bjalo ka dikotlelo, disepe le seteisofote.

**Mokgwa wa go di hlatswa.**

- Tšhela meetse dikotlelong tše tharo go iša go tše nne.
- Tšhela sesepe sekotlelong sa mathomo sa meetse.
- Hlopha/Arola diaparo go ya ka mebala le ditšhila.
- Thoma pele ka go šoga tša mmala wa go taga ebile di se na ditšhila kudu.
- Morago ga go di šoga di lokele ka meetseng a go tlošeletša.
- Morago di išwe ka meetseng a seteisofote.
- Di gamole, morago di anegwe.

[20]

**PALOMOKA YA KAROLO YA C: 20**  
**PALOMOKA YA TLHAHLOBO: 100**



**ELA HLOKO:**

- Diriša rubriki ye ge o swaya ditaodišo (LEPHEPHE LA 3, KAROLO YA A).
- Meputso ya 0–50 e arotšwe ka magato a mahlano a dithalošo.
- Mo go diteng, polelo le setaele le legato le lengwe le le lengwe la magato a dithalošo a mahlano le arotšwe ka dikarolwana tše pedi, e lego legato la godimo le la fase go lebeletšwe kabo ya meputso le dithalošo.
- Sebopego ga se sa arolwa ka legato la godimo le la fase.

**KAROLO YA A: RUBRIKI YA GO SWAYA DITAODIŠO TŠA SEPEDI LELEME TLALELETŠO LA PELE [MEPUTSO YE 50]**

Dinyakwa		Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
<b>DITENG LE PEAKANYO</b> (Go araba dipotšišo) -Tatelano ya dikgopolo ge go dirwa peakanyo. -Temogo ya morero, baamogedi ba tshedimošo le dikamano.  <b>MEPUTSO YE 30</b>  <b>Diteng = 25</b> <b>Peakanyo = 5</b>		<b>28–30</b> -Bokgoni bja go araba potšišo ke bja maemo a godimodimo go fetiša. -Dikgopolo tše bohlale, tša go hlohla mabjoko tšeo di tšwelego mahlalagading. -Peakanyo le tlemagano ke tšeo di ikgethilego go akaretšwa matseno, mmele le mafetšo.	<b>22–24</b> -Potšišo e arabilwe gabotsebotse. -Dikgopolo di kgahliša kudu ebile di sepelelana le hlogo/sererwa. -Peakanyo le tlemagano ya dikgopolo ke tše botsebotse go akaretšwa matseno, mmele le mafetšo.	<b>16–18</b> -Karabo e a kgotsofatša. -Dikgopolo di tlemagane ebile di a kgodiša. -Peakanyo le tlemagano ya dikgopolo ke tše kaone go akaretšwa matseno, mmele le mafetšo.	<b>10–12</b> -Tlemagano ya dikgopolo ga se ya maleba. -Dikgopolo ga di tšwelele gabotse ebile ga di bontšhe boitlhamelo. -Tatelano le tlemagano ya dikgopolo di tšwelela gannyane.	<b>4–6</b> -Molekwa o tšwele tseleng kudukudu. -Dikgopolo di hlakahlakane ebile ga di nepiše. -Dikgopolo ga di nepiše hlogo ebile di a ipoeletša. -Ga go tatelano le tlemagano ya dikgopolo.
		<b>25–27</b> -Bokgoni bja go araba potšišo ke bja maemo a godimodimo. -Dikgopolo tše bohlale tša go tšwa mahlalagading. -Bokgoni bja maemo a godimo bja go beakanya le go tlemaganya dikgopolo go akaretšwa matseno, mmele le mafetšo.	<b>19–21</b> -Potšišo e arabilwe gabotse. -Dikgopolo di a kgahliša ebile di sepelelana le hlogo/sererwa. -Peakanyo le tlemagano ya dikgopolo ke tše botse go akaretšwa matseno, mmele le Mafetšo.	<b>13–15</b> -Potšišo e arabilwe ka mo go kgotsofatšago eupša ga se ya hlaka gabotse. -Tlemagano ya dikgopolo e a kgotsofatša ebile e a kgodiša. -Peakanyo le tlemagano ya dikgopolo di a kgotsofatša go akaretšwa matseno, mmele le mafetšo.	<b>7–9</b> -Molekwa o tšwele tseleng. -Dikgopolo di hlakahlakane. -Ga go peakanyo goba tlemagano ya dikgopolo yeo e tšwelelago.	<b>0–3</b> -Ga go bolelwe selo ka hlogo yeo e filwego. -O tšwele tseleng kudukudu. -Diteng ga di nepiše ebile di hlakahlakane.

<b>POLELO, MONGWALELO LE PALOBOHLATSE</b>  -Segalo, retšistara, mongwalelo, tlotlontšu ya maleba ya morero le dikamano. -Kgetho ya mantšu -Tirišo ya polelo le melawana, maswao, popopolelo le mopeleto.  <b>MEPUTSO YE 15</b>  <b>Polelo = 10</b> <b>Mongwalelo = 3</b> <b>Palobohlatse = 2</b>	<b>Legato la godimo</b>	<b>14–15</b> -Segalo, retšistara, setaele le tlotlontšu di sepelelana kudukudu le morero, baamogedi le dikamano. -Polelo ke ya boitshepo, ya go nona, ya maatlakgogedi. -Polelo e na le segalo sa go ba le maatlakgogedi ebile e nonne ka mebolelwana ya go kgahliša. -Ga go na le ge e ka ba phošwana e tee ya popopolelo le mopeleto. -Polelo e beakantšwe ka bokgwari bja maemo a godimodimo.	<b>11–12</b> -Segalo, retšistara, setaele le tlotlontšu di sepelelana gabotsebotse le morero, baamogedi le dikamano. -Polelo e na le maatla, ya segalo sa maleba. -Diphošo tša popopolelo le mopeleto ga se tše kae -Polelo e beakantšwe gabotsebotse.	<b>8–9</b> -Segalo, retšistara, setaele le tlotlontšu di sepelelana gabotse le morero, baamogedi le dikamano. -Tirišo ya maleba ya polelo e dira gore molaetša o kwagale. -Segalo ke sa maleba -Mebolelwana e dirišitšwe go godiša boleng bja diteng.	<b>5–6</b> -Segalo, retšistara, setaele le tlotlontšu di sepelelana gannyane le morero, baamogedi le dikamano. -Tirišo ya polelo ke ya motheo. -Segalo le mošito ga se tša maleba. -Tlotlontšu ke ye nnyane kudu.	<b>0–3</b> -Polelo ga e kwešišagale. -Segalo, retšistara, setaele le tlotlontšu ga di sepelelane le morero, baamogedi le dikamano. -Tlotlontšu ke ye nnyane kudukudu moo e lego gore e dira gore ditaba di se kwešišagale.
		<b>13</b> -Polelo ya maemo a godimodimo ya go ba le segalo se maatla. -Ga go na le ge e ka ba phošwana e tee ya popopolelo goba mopeleto. -Polelo e beakantšwe ka bokgwari.	<b>10</b> -Polelo ke ya maemo a godimo ya go ba le maatlakgogedi. -Segalo ke sa maleba sa go ba le maatlakgogedi. -Diphošwana tše nnyane tša popopolelo le mopeleto. -Polelo e beakantšwe gabotse.	<b>7</b> -Tirišo ya polelo e a kgotsofatša eupša e na le diphošo. -Segalo se a kgotsofatša eupša mebolelwana ga se ya dirišwa o kaalo.	<b>4</b> -Polelo ga e kgotsofatše. -Ga go phapantšho ya mafoko. -Tlotlontšu ga se ye kaalo.	
	<b>Legato la fase</b>					
		<b>5</b> -Tšwetšopele ya sererwa ke ya maemo a godimodimo. -Tlhalošo ya dikgopolo ke ya maemo a godimodimo. -Tlhamo ya mafoko le ditemana ke ya go ikgetha, ya maemo a godimodimo.	<b>4</b> -Tatelano ye botse ya tšwetšopele ya dintlha. -Tlemagano ye botse ya dintlha le dikgopolo. -Mafoko le ditemana di beakantšwe ka makgethe.	<b>3</b> -Dintlha tša maleba di tšweleditšwe. -Mafoko le ditemana di hlamegile gabotse. -Taodišo e a kwagala.	<b>2</b> -Dintlha tša maleba ga se tše kae. -Mafoko le ditemana di na le diphošo. -Taodišo e a kwagala eupša e na le mafokodi.	<b>0–1</b> -Dintlha tša maleba ga di gona. -Mafoko le ditemana di fošagetše. -Taodišo ga e kwagale.
<b>SEBOPEGO</b>  -Dinyakwa/ Dipharologantšho tša setšweletšwa. -Tšwetšopele ya ditemana le tlhamo ya mafoko.  <b>MEPUTSO YE 5</b>						

**KAROLO YA B: RUBRIKI YA GO SWAYA DITŠWELETŠWA TŠE DITELELE TŠA TIRIŠANO TŠA SEPEDI LELEMETLALELETŠO LA PELE [MEPUTSO YE 30]**

Dinyakwa	Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
<b>DITENG, PEAKANYO LE SEBOPEGO</b>  (Go araba dipotšišo le dikgopolo) -Tatelanyo le peakanyo ya dikgopolo. -Morero, baamogedi, dinyakwa/dipharologantšho le dikamano.  <b>MEPUTSO YE 18</b>  <b>Diteng = 14</b> <b>Peakanyo = 2</b> <b>Sebopego = 2</b> <b>(Lengwalo =Sebopego =4)</b>	<b>15–18</b>  -Bokgoni bja go araba potšišo ke bja maemo a godimodimo go fetiša. -Dikgopolo ke tše bohlae tša go tšwa mahlalagading. -Tsebo ye e tseneletšego ya dinyakwa tša mohuta wa setšweletšwa. -Ditaba di nepiša setšweletšwa thwi. -Tlemagano ya diteng le dikgopolo ke ya maemo a godimo. -Tlhalošo ya ditaba ke ya maemo a godimo ebile e thekga sererwa. -Sebopego ke sa maleba sa go sepelelana le setšweletšwa.	<b>11–14</b>  -Bokgoni bjo bobotsebotse bja go araba potšišo bjoo bo laetšago tsebo ye botse ya mohuta wa setšweletšwa. -Ditaba di nepiša setšweletšwa. -Molekwa ga se a tšwa tseleng. -Tlemagano ya diteng le dikgopolo ke ye botse. -Tlhalošo ya ditaba ke ye botse ebile e thekga sererwa. -Sebopego ke sa maleba eupša se na le diphošwana di se kae.	<b>8–10</b>  -Bokgoni bja go kgotsofatša bja go araba potšišo bja go laetša tsebo ya mohuta wa setšweletšwa. -Go na le nepišo eupša go na le go tšwa tseleng gannyane. -Tlemagano ya dikgopolo le dikamano e a kgotsofatša. -Tlhalošo ya ditaba e a kgotsofatša ebile e thekga sererwa. -Sebopego ke sa maleba eupša se na le diphošo tše dintšinyana.	<b>5–7</b>  -Bokgoni bja motheo bja go araba potšišo bja go laetša tsebo ye nnyane ya dinyakwa tša mohuta wa setšweletšwa. -Go na le nepišo ye nnyane ya setšweletšwa eupša go na le go tšwa tseleng. -Tlemagano ya diteng le dikgopolo ga se ye kaalo. -Tlhalošo ya ditaba ke ya motheo ebile e thekga sererwa gannyane. -Ga se a šomiša melao ya sebopego ka tshwanelo. -Go tlogetšwe dintlha tše bohlokwa.	<b>0–4</b>  Karabo ga e laetše tsebo le ye nnyane ya mohuta wa setšweletšwa. -Molaetša ga o tšwelele gabotse ka ge molekwa a tšwele tseleng kudukudu. -Ga go tlemagano ya diteng le dikgopolo -Ditaba di hlalošwa gannyane. -Sebopego sa setšweletšwa ga se sona.
<b>POLELO, MONGWALELO LE PALOBOHLATSE</b> -Segalo, retšistara, mongwalelo, morero, baamogedi le dikamano. -Tirišo ya polelo le melawana kgetho ya mantšu. -Maswao le mopeleto.  <b>MEPUTSO YE 12</b> <b>Polelo = 8</b> <b>Mongwalelo = 2</b> <b>Palobohlatse = 2</b> <b>(Lengwalo= Mongwalelo=1 Palobohlatse =1)</b>	<b>10–12</b>  -Segalo, retšistara, mongwalelo le tlotlontšu di sepelelana gabotsebotse le morero, baamogedi le dikamano. -Polelo e nepagetše ebile e hlamegile gabotse. -Ga go na le ge e ka ba phošo e tee.	<b>8–9</b>  -Segalo, retšistara, mongwalelo le tlotlontšu di sepelelana gabotse le morero, baamogedi le dikamano. -Polelo ga e na diphošo tša popopolelo ebile e hlamegile gabotse. -Tlotlontšu ke ye ntši. -Gantši ga go diphošo.	<b>6–7</b>  -Segalo, retšistara, mongwalelo le tlotlontšu di sepelelana le morero, baamogedi le dikamano. -Diphošo tša popopolelo ga se tše ntši. -Tlotlontšu ke yeo e lekanetšego. -Diphošwana tše di lego gona ga di fetoše molaetša.	<b>4–5</b>  -Segalo, retšistara, mongwalelo le tlotlontšu ga di sepelelane gabotse le morero, baamogedi le dikamano. -Popopolelo ga se yeo e nepagetšego ebile e tletše ka diphošo. -Tlotlontšu ga se ye ntši -Molaetša o a tšwelela eupša o arošitšwe.	<b>0–3</b>  -Segalo, retšistara, mongwalelo le tlotlontšu ga di sepelelane le morero, baamogedi le dikamano. -Sengwalo se tletše ka diphošo ebile se hlakahlakane. -Tlotlontšu yeo e lego gona ga e sepelelane le morero le ga nnyane. -Molaetša ga o tšwelele le ga nnyane.

**KAROLO YA C: RUBRIKI YA GO SWAYA DITŠWELETŠWA TŠE DIKOPANA TŠA TIRIŠANO TŠA SEPEDI LELEMETLALELETŠO LA PELE [MEPUTSO YE 20]**

<b>Dinyakwa</b>	<b>Bokgoni bja go ikgetha</b>	<b>Bokgoni bja maemo</b>	<b>Bokgoni bja magareng</b>	<b>Bokgoni bja motheo</b>	<b>Ga go bokgoni</b>
<b>DITENG, PEAKANYO LE SEBOPEGO</b>  (Go araba dipotšišo le dikgopolo) -Tatelano le peakanyo ya dikgopolo. -Morero, baamogedi, dinyakwa/dipharologantšho le dikamano.  <b>MEPUTSO YE 12</b>  <b>Diteng = 8</b> <b>Peakanyo = 2</b> <b>Sebopego = 2</b>	<b>10–12</b>  -Bokgoni bja go araba potšišo ke bja maemo a godimodimo go fetiša. -Dikgopolo ke tše bohlae tša go tšwa mahlalagading. -Tsebo ye e tseneletšego ya dinyakwa tša mohuta wa setšweletšwa. -Ditaba di nepiša setšweletšwa thwi. -Tlemagano ya diteng le dikgopolo ke ya maemo a godimo. -Tlhalošo ya ditaba ke ya maemo a godimo ebile e thekga sererwa. -Sebopego ke sa maleba sa go sepelelana le setšweletšwa.	<b>8–9</b>  -Bokgoni bjo bobotsebotse bja go araba potšišo bjoo bo laetšago tsebo ye botse ya mohuta wa setšweletšwa. -Ditaba di nepiša setšweletšwa. -Molekwa ga se a tšwa tseleng. -Tlemagano ya diteng le dikgopolo ke ye botse. -Tlhalošo ya ditaba ke ye botse ebile e thekga sererwa. -Sebopego ke sa maleba eupša se na le diphošwana di se kae.	<b>6–7</b>  -Bokgoni bja go kgotsofatša bja go araba potšišo bja go laetša tsebo ya mohuta wa setšweletšwa. -Go na le nepišo eupša go na le go tšwa tseleng gannyane. -Tlemagano ya dikgopolo le dikamano e a kgotsofatša. -Tlhalošo ya ditaba e a kgotsofatša ebile e thekga sererwa. -Sebopego ke sa maleba eupša se na le diphošo tše dintšinyana.	<b>4–5</b>  -Bokgoni bja motheo bja go araba potšišo bja go laetša tsebo ye nnyane ya dinyakwa tša mohuta wa setšweletšwa. -Go na le nepišo ye nnyane ya setšweletšwa eupša go na le go tšwa tseleng. -Tlemagano ya diteng le dikgopolo ga se ye kaalo. -Tlhalošo ya ditaba ke ya motheo ebile e thekga sererwa gannyane. -Ga se a šomiša melao ya sebopego ka tshwanelo -Go tlogetšwe dintlha tše bohlokwa.	<b>0–3</b>  -Karabo ga e laetše tsebo le ye nnyane ya mohuta wa setšweletšwa. -Molaetša ga o tšwelele gabotse ka ge molekwa a tšwele tseleng kudukudu.  -Ga go tlemagano ya diteng le dikgopolo. -Ditaba di hlalošwa gannyane. -Sebopego sa setšweletšwa ga se sona.
<b>POLELO, MONGWALELO LE PALOBOHLATSE</b>  -Segalo, retšistara, mongwalelo, morero, baamogedi le dikamano. -Tirišo ya polelo le melawana. -Kgetho ya mantšu. -Maswao le mopeleto.  <b>MEPUTSO YE 8</b>  <b>Polelo = 4</b> <b>Mongwalelo = 2</b> <b>Palobohlatse = 2</b>	<b>7–8</b>  Segalo, retšistara, mongwalelo le tlotlontšu di sepelelana gabotsebotse le morero, baamogedi le dikamano. -Polelo e nepagetše ebile e hlamegile gabotse. -Ga go na le ge e ka ba phošo e tee.	<b>5–6</b>  -Segalo, retšistara, mongwalelo le tlotlontšu di sepelelana gabotse le morero, baamogedi le dikamano. -Polelo ga e na diphošo tša popopolelo ebile e hlamegile gabotse. -Tlotlontšu ke ye ntši. -Gantši ga go diphošo.	<b>4</b>  Segalo, retšistara, mongwalelo le tlotlontšu di sepelelana le morero, baamogedi le dikamano. -Diphošo tša popopolelo ga se tše ntši. -Tlotlontšu ke yeo e lekanetšego. -Diphošwana tšeo di lego gona ga di fetoše molaetša.	<b>3</b>  -Segalo, retšistara, mongwalelo le tlotlontšu ga di sepelelane gabotse le morero, baamogedi le dikamano. -Popopolelo ga se yeo e nepagetšego ebile e tletše ka diphošo. -Tlotlontšu ga se ye ntši. -Molaetša o a tšwelela eupša o arošitšwe.	<b>0–2</b>  -Segalo, retšistara, mongwalelo le tlotlontšu ga di sepelelane le morero, baamogedi le dikamano. -Sengwalo se tletše ka diphošo ebile se hlakahlakane. -Tlotlontšu yeo e lego gona ga e sepelelane le morero le ga nnyane. -Molaetša ga o tšwelele le ga nnyane.